

बाथां में भूगोल

हरीश भादानी

धरती प्रकाशन

© हरीश भादानी

प्रकाशक : धरती प्रकाशन, मणामाहर, बीकानेर (राजस्थान) / मुद्रक : एम.
एन. प्रिंटर्स, नवीन शाहदरा, दिल्ली-110032 / आवरण : सन्तु /
संस्करण . पैलो, 1984 / योग . पञ्चवीस रुपिया मात्र ।

BATHAN MEN BHOOGOL (POEMS) : HARISH BHADANI Price : 25/-

टीप

रैत रै समंदर रौ पांणी

खाथी चाल रे : 9 / समंदर घू : समंदर हू 11 / नित-नेम : 14 /
चोषो जारज : 16 / म्हारी हेमाणी जूण : 21 /
तिरवाळा तावडै रा : 23 / औतार जाम्या : 25

हूणियै रा होरठा

33-42

बोलै सरणाटौ

बोलै सरणाटौ : 45 / धारं लावा जोडू हाथ : 47 /
हेलो पाड़ रे : 49 / बाघर बोल : बाघर बाघ : 51 /
चाल रे चाल : 53 / करता बोल : मजूरा बोल : 55

दे हूंकारो हूणिया

59-88

***कीड़ी नगरें हैं
फाटी है
अतरी लाबी जाड़
दीमै बत्तीमू दात
गंगा हैं पाट-सो हबोळा खाती
बाको बोलें बोलें*** ..

रेत हैं समंदर रौ पांणी

खाथी चाल रे

खाथी चाल रे कमतरिया

देखलै सीव
पाछो घिरग्यो है
रंभावती रेवड़
उठतै रेतड़ सू
कवळाइजै उजास
सुवी सिइया
मुहागण नों चढे कुवै
भरियाई व्हेला
घड़िया टीपाटीप
बैठगी व्हेला
हाडी कठौती मांड
चाल...कमज्या रा धणी चाल
खाथी-खाथी चाल

ऊभगी व्हेला
थरकण थांम मघली
अंवळाई में
दीसै कठैई छियां...ती
हाका पाड़ती भाजै सामै पगां
टेरां भार्यै टेरे
भरताई व्हेला
तेजी हरियो मूवटी

जाणं उगेरी आरती
 देख...वा देख
 सरणाटे री छाटी
 झाडती उतरै
 भीता माथं रात
 राखेला आळा-आरा
 भर दंली थाळी हथाळी
 देवली कवा
 जड दंली सगळा दूधाळा दात
 खाथी चाल
 दीवं रा देवता
 होताई चुडले रै हाथा जोत
 संचन्नण होसी
 चूली-आगणी
 चाल.....
 आखं घर री
 उडीका रा एकल चित्राम
 खाथी-खाथी चाल
 खाथी चाल रे कमतरिया !

समंदर थूं : समंदर हूं

थू.....

मच चढियोडी
साव उघाड़ी नागो
दूर दिसावां ताई
सूती दीस...

नेड़ी तो आंटीज्यो आव
पड़े पछाड़ा खा-खा
लूरलं मखमलिया माटी
झागूटा थूक जाव

बोलो नों रेवं एक पळ
घंघावती रेवं
सुर्ण है कुण
उछांचळी छोळां-सा
थारा बोल

थू.....

हँसती-हँसती
जवड़ा पसार
गिट जावं जाज
जूण री खातर
धारो पताळ छाणती
नांवां, मछेरा
डकार नों लेवं
छडीकां सुपनां रा

जगता दीवा बुझावें थू

थू.....

कोई नी जाणं
कर्णं भुआली खाय
रमझोळती वाड्या खिडावं
घरकोला ढावं
मार शपट्टा
तोड लं मगळसूत

थू.....

लागं तो निरमळ नीर
चाखता

थू-थू खारो
नाय तो समदर
अतस तबः ग्यारो
सभाव नागो !

अर हूँ.....

ऊपर सू हुळक केसरिया
म्हारें हियै

पताळ.....

अमरत पाणी सू
तिरिया-मिरिया
बारे री बाट जोवें.....

हूँ.....

नूता देवू, उतारू
खानी वारा

हूँ भरीजू
गावती-गांवती चढू
घरमजला घरकूचा
आंवती दीसू

“आयी...आयी...
वठं वो खोली खोलं

अठीनें

हैं खलकीजू कूडचां-देगा
मैदी सू राच्या
चुडलें सूं भरिया हाथ बाजें
लडावे म्हनें
गावे 'पिणहारो'

थू.....

पाणी रो समंदर
हैं.....

रेत रे समंदर रो पांणी

हैं.....

म्हारी बाङ्घां रो रमझोळ
आंख रो मोतो
हिये रो हेत
बाधां रो बळ
चेरे रो मांण
खेत रो सोनो

हैं.....

म्हारें आखे वास रो
जूण रो बेली

दुखती रगा

मुखां सू फाटती हेजड़
धूमर...डाडिया...रम्मत
अर थू.....

कतरा गुण-गोत थारा
बोल नो

घंघावमा घमंडीराम बोल
अणथाये
पताळ रा घणी बोल...

समंदर थू...

क' समंदर है !

नित-नेम

थारो-म्हारो नित-नेम
आ, भळें वाचेडा करां !

खायलो आंधी
पीयली लूआ
पूछलें मूढें लाग्योडी झूठ
रगड ह्याळथां
झाडलें चरें चेटोज्या
काळा-पीळा लेवडा
थारो-म्हारा नित-नेम
आ भळें वाचेडा करां !

बीज्योडी बाजरी
मतीरा, मोठां नै
लांपो देग्यो काळ
आ, लूरलां
जाळ क' खेजडी रो डील
छाल नै कूट पोयलां टिक्कड
सिजोयला सिणियो
वांधा, वंधें जियाईं वाघा पेट रै पाटी
थारो-म्हारो नित-नेम
आ, भळें वाचेडा करा !

आव चालां
राज रै सिरे-थान

वर्ण तमोऽत्र मेडघां
अकासी माळिया वर्ण
आंपा अडाण वर्णा
माथै ईटां चुनै रो भारी
नीचै चीथोजी जूण ढोवा
थारो-म्हारो नित-नेम
आ, भळै बायेडा करां !

थारै-म्हारै
दुखां सू दूवळा दाता
पगोथिया सांटता चढें रांस
रास सू वाचै

थारै-म्हारै घातर
बिधि-बिधान
नांख
यातां रै ठंडे भोभर माथै
नाखदै धोवा-धोवा धूइ
थारो-म्हारो नित-नेम
आ, भळै बायेडा करां !

चौथौ जारज

पूरब री पिरोळ
खुलता-खुलतां
उड़गी चिड़कोली आंख्यां.....

राख्योडी सीध
कसी, कुवाड़ा साभ
हुयग्यो बयीर
घरती रो धणी.....
.....

टुरगी लारै
काकी, भोजाई
डांग रै सायरै बाबो.....

नी दोसै पाळ
खिडियोडी वाढ़
खेत आया.....
कै' आया उजाड़.....

देखै एक नै दूजी
निजरा रै
सूनै झरोखा में आगोतर
आगोतर...ओ...आगोतर

कसमसतै छोटियै
तरणाटी खा'र

कसिया कोछा
एकै सागै
सगलां रें डीलां
तिरछ तड़कीजी
हथालाघां सघगी
खोसण लाग्या
मठोठी दे'र बूझा,

साव उधाड़ा खेलूणा
पगल्या-पगल्या
रमता-रमता
चुग-चुग फेकग्या
बैरी भाठा-डगड़
थप-थप दैयनै
बिछाई गाभण माटी

हँई-हँई
हँईसा वज्जर भीवै
पाड़दी पाळ चालुमेर
दांतळ सूं भांज
सूकी सणाट झाड़धां
खूट सूं खूट
त्रिणदी वाढ़—
टीदी फाकं नै
अव कँ.....
फाकाई करणा पड़सी
ऊभौ गुमेज

टग-टगता हांफीज्या
सूरज रा सातूं घोड़ा
मूढ़े रा झाग झरग्या
डोलां रें माथे
बूझात सूरज दीवो साख
हायां-भगां

आंख्या नै जोत
भळें रचायो खेत
घरती रें घणी

आंख्या मे हिलकें हेज नै
निजर नी लागै
फाडें तावडें री
झळमळतें धूवटें री ओट दिया
ढाक खारटियौ
आई छोटोड़ी
दीवी टिचकारी

जाळ री छिया
वजवजते चुडलें
थाळो विछा'र पुरसी
जतना री रोटचां-राब
तिरिया-मिरिया
छाछ रो कुलडियौ
पेट रें पाण लागी
भोजी रसीजी तिस

बंठग्या सगळा
पगत जोड
हुयग्या उडीक
अवकें.....
अवकें वंगी मांडली
काळी कटायण आभौ

बावो विछाण लाग्यो
घोळें दिन
सुपना री लाबी-चोड़ी चानणी
काले बोलेली
मिंदर रें पीपळ सुगनडी

अवकं.....

अरडा'र पड़ला आभी
"धाया-धाया वापजी"
धोकेला आखी गांव
फाटला खेता में
हरियो टाच सोनो

सांसां री लीकां पाड़ी
पाडता गया
गिणताई रैया
छाट री घड़ी

गाजणी-भरड़ाणी किसी
च'र री छांव तक
नी छीपण दीवी
उडीकतां-उडीकतां
आप्यां रै आगै
आया तिरवाळा

नीं आई
आणीई नी थो चीन
आई...सागण बा ही
धाड़तण आई
पैरघौड़ी
काळा-पीळा धावळा

भेज्या आगूच
एक रै लारै एक
आंधळघोटा भतूळिया
बैय्या
भूआळी छा-या.....

चडियोडो पूठ आई
हूंआटा-ग्रेग्राटा करती

आपरा गाभा फैंक
गाव रा टापरा
छप्पर पेंर नाची

ओरा, वरसाळी
पाधरा करतो
रडकी बियाई
रळकीज रळकी
सूतगी
आंढ्यां काळजी
खेता री आंता
दाडगी कूआ
छाटो तक नी रेंयो
आसूडां रो.....

माटी रो कूख मे
सोनळिया भळकी दीसताई
मच चढगी धाडेंतण
हेमांणी माटी सू
खूजा गोयळिया भरिया
फेरियो झाडू
करियो पणीढो ऊधो
धोवां-धोवा
नांखदी चूर्ल में राख

जांवती-जांवती सूपगी
चोकलिये बंठी
शुरती माऊ नै
आपरो चौयो जारज

म्हारी हेमांणी जूण

हं...कई
फोरो डूंगर
झाल्योडो खभो
खेजड़ो...जाळ...कै आक
कै तळचैठी ज्यो सिणियो
तूवे री वेम.....?

म्हारी उघाड़ो
पळपळतौ हेमांणी काळजो देखताई
सूरज री साडंसर किरन्यां
उतरं करं रमझोळ
दूर सूं देखें काच
कैयता जावें...
यो रंयो पांणी री छळावो.....

पांणी कठै है अठै
घोखूंट पड़ियो है
सूको सून्याड़
वरमां-वरसां
यादळ री लीरी तक रो नी पासंग.....

साचो काचां री देखी-नंयी
पण दीठ नं दीसं

सूकै सरणाट में
जागती वैठी
तावडियो साच
क' वादळ रै वसू नी रंयी
म्हारी जूण
देखती आयी है सूरज वाप
म्हारा, हा म्हारा कमतर

घर मजला, घर कूचां
दिनूगं-सिझघा
जा पूगै पाताळ
भरलें वारे में
खळ-खळ नाखदं देगां में

आडा आयौडा
काच उतारै दीठ
म्हारें पणोढें
कांसी रो धाळी
म्हारी आख्या मे जाकं ती दीस
नीलम आभौ
आभं पसरघौड़ी हरियल बेलां
बेला में पाणी
पाणी सू तिरिया-मिरिया
म्हारी हेमांणी जूण

तिरवाळा तावडें रा

धम-धम वाजी
सईकां वाजो, वाजें अजू हो
पण नी फाटची म्हारो काळजो-

पुतियी पोतीजें
काळ री कळमस चेरें
आख्या में पीळियो ऊधीजें आए सात

रेत री पाख्यां बैठ देख्या
अठी-उठी रा खूट
सं'रा रा सं'र नाप्या,
पूछघी चलवां-चंजारां रो
गादी ओपता संणा नें
म्हारी जूण मू आंध्यां
कद ताई करंला खेला
आगळी सू नीकी जकी
नैर री मरोड
कद हुवेंला ऊभी पाळ
म्हारा आगोतर गिटते
विना दांतां रें वांवी सरीचे
वाकें आमं कद लागेंला डाटो

घडकां री दीठ में
घीस्मी रातींदी

म्हे ही लपेटी
चूले री राख री पाटी
पूरवलां धोता-धोता पडगी चांदथा माथे

दीनी समदरिये पूठ
वी दिन सू
पछवाडे पडियो कळपीजू
पूरव-सा सोंवता घणिया
की तो बोलो ।
कतरा सईका आता रैसी
म्हारी आख्या में
तिरवाळा तावडे रा ?

औतार जाम्या

जद जाम्या औतार जाम्या
मखमलिया डूंगरां
घोळां फाडा-सा
भाठाभाळी धरती
रज्जी नी लगी
वांरी पगथळ्यां रै
आंख्यां में फूस नी रडक्यो
कवै में कोकरू आणी कसौक

सिर धोक्या
पूरवला घोया ऊमर ओसीजी
आगोतर धड़िया
चरणां रै धोवण सूं
आला-नीला
चढियोड़ी तुलछी-मिसरी रै
छत्तीसां भोगां सूं
उफणत्ती आफरो

सिरीमुख री वाण्यां मुण-सुण
जूणां पर जूणां जीया
कांधां रै तमोळै ऊभी
आंगळी बताई सीध
जुग चाल्या
किलविलता चालताई रैया
पर मजलां नै घर कूचां नै घर मजलां...

सूठ रा गाठिया भाग्या बिना
 अजवाण री
 फावया गिटिया बिना
 गोरी गाय री
 चूटियो चाटचा बिना
 जतरो नाखीज्यौ
 मानीज्यौ कीडो नगरो
 घूड रै झाल्नोडी
 आभै पटवयो व्हैला

म्है नी जाणू
 कुण ही वा वेमाता
 जी पर धणी
 धनियाप नो घणाई रैया
 पण पूरा सू
 परोटणआळै आदमी नै
 जद-जद हेला पाडधा
 देवळचां
 होंता गया औतार
 दुखता काना मे सीच सेंता तेल
 मांडणा मडघोडी
 छाता मे फसा'र दीदा
 गैर-गभीर होता
 डवडवता देख्या करता
 घायां ई खायांआळै
 कीडीलोक रा चितराम
 अभूजता उफत्योडा
 वरदान रा
 उठियोडा हाथ जडता
 काच रा किवाड नै जाळचां-भरोखा
 हू ५५ जिलम्यो आखडियो
 भरता आखडतो

आखड़तां-आखड़तां
भणियो-गुणियो
अदकं तो बोलतोई
चामड़ी-जर फाड़ पड़ियो
पड़ताई चालण लाग्यो
हूं सुकदेव...

कै मौसम री मार सूं
गरभ ठेरै कै कूख फाटै
भळं ओतार जामै

चालतां-चालतां
जुगां रा कांधा घसीज्या
डागळा-तमोळा
थोड़ा नीचा पड़भ्या
पगां नै
पगोथिया वणा'र
छाती ताई आ चढियो कीड़ी नगरों

ओतारां री सांसां अमूजी
धड़को उपड़ियो जद-जद
खावणी पड़ी
पाकी उमर में
सठवा सूठ
तवै तळनी पड़ी अजवाण
लोटडपां ऊंघ्रावड़ी पड़ी चूंटियै री
थाळघां फूटी
थोथ रा ठांव नै
गळा पीटीज्या
भळं जाम्यो मायड़ ओतार

पण किणी नों देख्यो
म्हारी जामण री
जापो-स्वाद

भूंगडा-फाकां सू करती मासवो
 मूठे रं माये चिणती
 खोखरे दातां रो भीत
 अकूरड़ी रं आसरं पसरती
 म्हारी जागण

सम्हळाया टाट छीतरा फरोळ
 गोडा धसीट
 ऊभता-ऊभता
 तडग हुयग्यो
 छवीली पाटी रं
 धूडो-मोडें
 पेट री तात्या मे
 गुलगाठचा घालती
 सुकदेव योलू सुणज्यो
 सुणज्यो धरमां रं
 धोरां मू जाभ्यां
 भीतारा सुणज्यो
 कळजुग री कळा लगा'र
 चालण लाग्यो है कीडी नगरो
 म्हारे माय म्हारे वारें
 पूरव-पच्छिम
 दिखणादे-उत्तर चारु मेर
 कीडी नगरें रा
 लाग्योडा थागो-थाग
 थांरें काना री ठेठचो काढण
 उठम्या हाया नं
 ले'र हाका
 सुणज्यो की थमता सुणज्यो
 जुग रं माये रा मोडें
 रेवता जाया
 ठाणा-ठिकाणां

देवळघां-भोपां सुणज्यौ
रेलां-मुळां सूं
वेसी सांतरो
संतीरा हुयम्यौ
कीडी नगरौ बोलं...बोलं...

थांरो छोडचौडी झूठ—
तुलछी-मिसरी सू
भभका मार नी चालैला अवै
ओसरघां रां इंजण
हयाळी
हुयगी है हथ्याळ
नी पसरंला
नी हुवैला अवै आला-गीला
सूखी-वणाट
ठाठघा रा ठट्ठ
थारै चरणामत सू
नी वणाण दैला
काधां रै माथें मेडघां-माळिया

बोलतो-बोलतो चालै
"म्हारै परवार नीं वणैला अवै
कैरोई इतियास
चेतो वापरग्यो म्हने
कीकर तोड़ीजं
काच रा किवाड़ नै जाळघां-झरोखा
हाफें बरपीज्या धणियां
आंण्यां उघाड़ देघो
कीडी नगरै रै
फाटी है
अनरी नांवी जाड
दीमं वत्तीमू दात
गंगा रै पाट मो

हवोळा खातो
बाको बोले...बोले.....

मानखे रे नांव री
लिखायो पट्टे
खोलणोई पडसी
पोथ्या-तिजूरचा में
राख्या इधकार
म्हार हाथा मे सोपणाई पडसी
म्हे भरियो है
बाथा मे भूगोळ
म्हारी कमज्या रे माथे
म्हारी...हां म्हारी
घणियाय रैसी

पूठ री घोडी चढिया
वीन राजा
माटी रे माथे
फूठरा-फरा पगल्या
माडणाई पडसी
जद जिणसी
माणसिया जिणसी मायड री कूख
देवळधा सऊकार
ठकराई रा होकडा
नी चढेला अर्व चैरां रे माथे
मिनखां रे परवार में
सगळां री हाती-पांती
बरोबर रैसी
मिनखा रे नांव सू
बाजेली घरती
नै देस नै आखी दुनिया

“लीलां मइसी काळजें
खुभसी वूठा बैण
राह्या एक उडीक
जीती जाजें हूणिया”

हूणियै रा होरठा

सूके अकरै तावड़ै
हाड मांस रा बोल
रगड़चां सांसो सांस
जगै हगड़ता हूणिया

आखर तो खीरां जिसा
चुगतां लागै डाभ
आला लीला वाल
जगरी तापै हूणिया

आखर रो सत ऊजळो
आखर रूप अकूत
आखर-चेतौ एक
हिरदै धारै हूणिया

आखर जुड़ बोली बणै
बोली उपजै हेत
हेत जूण रो सार
होठां राखै हूणिया

हेत हियै में ऊपजै
हुवै रगत-सी लाल
उगटै हुवै हजार
राती एक न हूणिया

भूं नी जाणै हेत री
वारखड़ी रो अर्थ
आखर सिखै अणूत
अबखी लागै हूणिया

थै नीं देखी भावडी
थै नीं देख्यौ बाप
हेलाहेल मचा'र
धूक बिलौवै हूणिया

हर तक गिटलै हेत री
जीमै मसळ पिछाण
लेवै नही डकार
कासारोणी हूणिया

दिन में तो चैरा गुमै
हर गुमग्या अंधार
सं'र है क सून्याड
धू कई जोवै हूणिया

हेत हवोळा खांवतौ
लैरधां लता बोल
काणां भर-भर चोंच
झील निवैडी हूणिया

जारै हाथा माडिया
सास रग्या चितराम
उगटधां उगटधा ले'र
चढथा हाट जा हूणिया

आंख्यां खातर माडिया
आख्या सू चितराम
एकलखोरी बाण
राख लीपयो हूणिया

घण-खण करतै तेल सूं
चलै गिस्त री रेल
छोडा आखर ले'र
बण्यो डलेवर हूणिया

पांणी झुर-झुर सूकग्या
रेत-कंवळ रा नेण
देख्या सूना डैर
उर्या कोकरू हूणिया

बसकां सू जूंना भरी
जी निसखारा नाख
कद लेवैला एक
सांस नचीती हूणिया

मनवंतर तो नापिया
पगा पांयडौ बांध
कद लेवैली सांस
एक विसाई हूणिया ।

हुयो गिस्टियो मानखो
घस एडघां वस हाथ
कुण कीना ए डोळ
पूछै दानां हूणिया

जकां न देखो कळपती
चींती कायाकळप
आखर रच्या अणूत
आंख्यां मीच्यां हूणिया

धूसा साथै वाजता
गढ कोटां रा बोल
गाजै माड अडाण
नूवा राजा हूणिया

पैला राणी जामती
अव जामे सद्दुक
सागी राजा राज
गाभा वदलछा हूणिया

पाचै वरसै जेवडा
लटकै बजै चुणाव
लोकराज रं मै'ल
लूठा पूगै हूणिया

बिना निसरणी रा वण्या
लोकराज रा मै'ल
देखै आख्या फाड़
"सैचासै" सू हूणिया

हाका करता रा फटै
पेट काळजा रोज
बंदूका कानून
तीया देवै हूणिया

भापणआळी मीन्त्र में
रोज बुणीजै थान
मसां आदमी दोठ
खफण संगोटी हूणिया

गोठ योजना री करे
सोनो रूपो रांध
चाखण में सौ जीम
शोळ पुरसदै हूणिया

बटिया आलू प्याज रा
उड़ना तिरणा जाज
देखै चकरीबम्म
हवा खांवता हूणिया

खुरसी री चरभर रमै
खेवट पंगत जोड
लोकराज री नाव
हवा भरोसे हूणिया

गूंगी खुरसी दावलै
सुरता बोली दोठ
बिना डोल रो देख
मिनखाचारी हूणिया

कळ पुरजा हाका करै
गोबै वयां हिसाव
फड़क जद-जद होठ
जड़ किवाड़ा हूणिया

सोटचा खुभतां हो जमै
भाजै पहिया होय
फिरं थारकलो लाद
थरकण नापै हूणिया

हाकम री हालें कलम
दिन रातीदो होय
लुळ-लुळ करै सलाम
रात तावडो हूणिया

हाकम री आंख्या अजव
वाचे घोर अंधार
तावडियें-सौ सांच
लगै फारसी हूणिया

छाट एक नाखें नही
बैठै माड्या बूक
इंदर रा ए डोल
देखै रेतड हूणिया

सीयाळें में तापलें
रगड़ हाड सू हाड
ऊनाळें उकळीज
ठरै पसीणे हूणिया

गिट सीयाळें डांफरां
लू ऊनाळां पी'र
आया जुग-जुग जी'र
जुग-जुग जीसी हूणिया

गाभण हुयलें छांट सू
वाझ वाजती रेत
जामें हरियल टांच
मोठ वाजरी हूणिया

पीता गिटतीई रयो
खाया घणा घमीड
की तो सांस उपाड़
रोळा करलै हूणिया

कवळा कवळा तोड़िया
ठरिया लिया मठार
लगा आगळी देख
खण खण उकळचा हूणिया

आता बळती आग नै
लीची हाथा थाम
फिर-फिर चारुमेर
लाय लगासी हूणिया

लीला मडसी काळजै
खुभसी वूठा बैण
राख्या एक उडीक
जीती जाजै हूणिया

म्हारी आख्या सू उडीक
थारा हुनरी हाथ
सासा लियै परोट
बजै हुरावळ हूणिया

तन थाकै वेगो घणो
तन रा ओछा लाभ
चालै मन री चाल
अण यकियां ही हूणिया

आभौ बांध अगोछियै
नदियां आडी पाळ
मांडै घर परवार
सिरजणहारा हूणिया

आंध्या उमट उजाड़ दै
गिटै ताड़का वाढ
फिर-फिर निपजै जूण
सिरजणहारा हूणिया

भाठां तीरा तोप सू
मच्या घणा घमसाण
जीम्या परलै बीच
सिरजणहारा हूणिया

जकां पळीता बाळिया
वानै बाळथा काळ
जीम्या काळ अकाळ
सिरजणहारा हूणिया

जात-पात पूछै नही
देवळ अर रसूल
धरम ठगोरा बैठ
राड़ रचावै हूणिया

साच न वामण-वाणियों
ना तुरकन ना ढेढ
आखौ एकल साच
मिनखाचारौ हूणिया

थू करुणा री ओंख सू
दूजा रा दुख देख
दीसैला साच्छात
मिनखाचारौ हूणिया

मदिर मस्जिद खोजता
दीनी उमर गंवाय
हियै विराजै साच
खोल किवाडा हूणिया

“रचियोडै सवदा रो भरय वांचतो
चारुमेर मुणातो
धर, मजलाधर कूचा चाल
धर कूचा, धर मजला चाल”

खोलै सरणाटो

बोलै सरणाटौ

ऊभा चारु खूंट
धुंए रा डूगर
बोलै सरणाटौ

डरतौ ऊगं डरघो विसीजै
इकटंगियं बंधियोड़ी
एकल सूरजड़ी
साखी हो गूगो
जद कूण भर्ण
लोहे रा कागद
बोलै सरणाटौ

हाथ पखारै आख चुगं
माणक-मोतीड़ा
घोरा रै समदरिये
परवा-मछवा
उतर-उतर फेरै आंध्यांरा झाड़ू
होड़ करं धोरज रो सासां
किया करं गोफणिया हाका
बोलै सरणाटौ

पगा मडोजो
डामर रो दुनियावा पसरै
मोड़-मोड़ै

आंगण औढी लाज सम्हाळें
फाट्योडो थाकेलो

रोटी रौ चंदोमामो देखण नै
पथरावें सोनल सुपना

राज मजूरी राजा करसा रा
रोळा ही रोळा.....

कुण देखें

कूण सुणें

चूलें रें सामें वजतो चूडो

वंठा मिनख मठोठया खावें

वोलें सरणाटौ

थारै लावा जोड़ू हाथ

थारै लावा जोड़ू हाथ
उनाळा थिडी-थिड़ी कर ऊभ
पगलिया लेले रे

थारो मावड़ लू वळता खीरां सू
सीचो सगळी रेंत जी
थारो आंधो वनड़ रा रोळा सुण
रुस्या रसिया पेंत जी
पाळसियै में जवरा पूजू
ववारै हाथ कळसिया ढोळदू
म्हारी जतनां चोत्यो थाल
तोळ रो घी सीज्योडो खांच
आमनी लेले रे
थारै लावा जोड़ू हाथ.....

म्हारी भाती लेजातो भावज रो
रुडो रूप ममोलियो
कोढी तावड़ियो भरं चूटिया
घुरडें घिरं भतूळियो
जे तू वोलं वैरी थारै
ओळा ओर मन्नाणा घोळ दू
म्हारै डोवें रांधी राव
राव में मोळी-मोळी छाछ
सवड़का लेले रे

थारै लावा जोड़ू हाथ.....

म्हारो अणमण पिणघट खड़ो उडीकै
सोनलदै पणिहार नै

म्हारो खूटी चढ़ियौड़ी ईढाणी
जोवं है सिणगार नै

जे तू बोलै तो चौभाटे

रोटी पेड़ा ढाळ दू

म्हारै आगणियै रमझोळ

भटक्या माडघौड़ी अणमोल

उतारौ लेले रे

थारै लावा जोड़ू हाथ

उनाळा थिड़ी-थिड़ी कर ऊभ

पगलिया लेले रे

हेलो पाड़ रे

वास-वास में हेलो पाड़
धूड़ीमोड़ां हेलो पाड़
मेघा राग उगार रे, घर-घर हेलो पाड़ रे
इन्दर आज पखार
इंदर आज पखार म्हारा वीरा
फिर-फिर हेलो पाड़ रे

आभौ उमस कसीजैला
वादळिया परसीजैला
थू खुरपा कसी सभाळ बांदां नै टिचकार
भाज्यो खेतां चाल रे
सिणिया वूझ उपाड़
सिणिया वूझ ऊपाड़ म्हारा वीरा
माठां नै मचकाव रे
घर-घर हेलो पाड़ रे

छाटघां छिर मिर नाचें
हिरण्णा-मोर कुळाचें है
थूं पग-पग माटी बीज नै गोफणिया साध
मेड्यां खड़ी रूरखाळ रे
रोटी-राव मठार
रोटी-राव मठारा म्हारा वीरा
भरी डकारा गाज रे
घर-घर हेलो पाड़ रे

सुण रमझोळां वाजें है
 घूमर रमती लाजें है
 थू कोछा ऊचा टाण उठजा ले हूँकार
 ले लारे परवार रे
 पाकी फसल्या झाड़
 पाकी फसल्या झाड़ म्हारा वीरा
 छाटचा भर-भर बाध रे
 घर कोठा में धान रे
 मन रो अमी पकीजी है
 हरिया-टाच मतीरां में
 वासां-वासा हेलो पाड
 धूडीमोड़ा हेलो पाड
 पंचायत रो चौकी बैठ
 मिसरी-सी गिर बाट रे
 पाणी पीर डकार रे
 घर-घर हेलो पाड रे, फिर-फिर हेलो पाड रे

आखर बोल : आखर वांच

आ लिछमणिया आखर बोल
आ रे गामेड़ी ह्मपतिया
कळमस रो पाटी रै माथे
उजळा-उजळा आखर माड
माडघोड़ा अखरा नै वाच

आखर रो आख्या नै दोस
घर मे वारे
मन में कती अंधारो

आखर लावा हाथ करे
तिडकावै तीडे
हिये जड़घोड़ी ताळो

आखर बाळ अधारो
दप-दप दीपावै
मन-आगण

ए ही वे आखर
बाण्यां बोलोज्या
ए ही आखर बंद मडीज्या
ए हो पोथी लिखियोड़ा है
वाणी और जूण रो सार आखर
आ लिछमणिया आखर बोल
मधिया-किसना आखर बोल

आखर देवे
कसी समे रो
पूरबला परखीजै

आखर हाथ लियां सूं
जूण-जूण रो
आगोतर राचीजै

आखर है जंगल रा मंगल
आखर मे मंगल रो राज
आमे जुगां-जुगा रो सांच

धू धारै जुग रो सत वाच
धू धारै जुग रो सत मांड

आ गोमेडी आखर जोड़
आ सैरातो आखर माड

चाल रे चाल

चाल रे चाल

गाव रा करसा चाल'' चाल

संरातो चाल

धर मजलां, धर कूचा चाल

धर कूचा, धर मजला चाल

ले आ पाटी

ओ लें कागद

वरतो थाम, क

ले लें कलम दवात

आखर मांड

आखर मांड मांडतो बोल

बोल बोलतो

आखर जोड

आखर-आखर सवद रचातो

रचियोडे सवदा रो अरथ यांचतो

धारुमेर सुणातो

धर मजला, धर कूचां चाल

धर कूचां, धर मजला चाल

चाल रे चाल

गाव रा करसा चाल'''चाल

संराती चाल ।

अरथां मे
उगटं उजास
ओ उजास
आंख्यां आज

आज आजतौ
वाळ अंधारो
कळमस वाळ

चारुमेर
हिये आख्या में
किया चानणी
धर मजलां, धर कूचां चाल
चाल रे चाल
गाव रा करसा चाल...चाल
संराती चाल

करसा बोल : मजूरा बोल

करसा बोल : हाळी बोल !

मजूरा बोल !

धरती धारो

थू बीजं है

थू सोचं है

निपज्योडो धन

धारो हो है

आ वा सगळी धारो कमज्या

थू धनियाप जताती बोल

भल-भल

थू धनियाप जताती बोल

करसा बोल ! हाळी बोल !

मजूरा बोल !

कुण आया हा

किया लगाई

मन रं आडी

कूण बाधग्या

दो हाथा नै

थू वा साकळ खूटी खोल

तड़-तड़ साकळ खूटी खोल

करसा बोल ! हाळी बोल !

मजूरा बोल !

सैराती नै
 वरसां ताई
 आख उडीकी
 छां छोपण नी आयौ कोई
 छोड उडीक
 भुजा भरौसै वोल !
 जीवट भुजा भरौसै वोल !
 करसा वोल ! हाळी वोल !
 मजूरौ वोल !

पो फाटै सू
 सूई सिझघा
 खेती खडतौ
 लूआ पीतो
 तकली माथं
 सूतो साध्या
 खाट-खटुली
 मूज माडतौ
 माटी खूद
 माटी खूद खूदतौ वोल
 चाक फेरतौ
 घड़िया घड़तौ घडतौ वोल !
 सिस्टी रचतौ
 परजापत-सौ वोल !
 आडी-तिरछी
 लीक माडतौ वोल
 गैरी-फीकी गेरू रगतौ वोल !
 करसा वोल ! हाळी वोल !
 मजूरौ वोल !

लं चिणियोड़ी
 लादो-भारो

मगरां छाटो
 कदैक माथे
 ले खारटियो
 सीवां माथे सीव नापती
 सैरां माड पगलिया बोल !
 गांव रा थभ
 थभै सरसी बोल !
 करसा बोल ! हाळी बोल !
 मजूरा बोल !

चूल-आंगण
 भाख काळजें
 खेतां घोरा
 आघ्या लूआ
 घणी वाजली
 कमज्या सुपना
 जीव घायगी
 की ती करडी
 भाख देखती बोल !
 ऊभ, नुंवें उणियारा सामें बोल
 धा रै सिरसा
 ए उणियारा
 क' ऊभी आडघा
 ओळखती बोल !
 उत्तर पडू तर देती बोल !
 करसा बोल ! हाळी बोल !
 मजूरा बोल !

पूरव री किरता
 भरम कतरणी
 फाटीजी पगतां जुड़गी
 मिलग्या मजूर-करसा

पाड़ा री मोच निकाळी
 माटी रा पाणी बोल !
 पाटा रँ परियां
 थू हवोळा खातौ बोल !
 करसा बोल ! हाळी बोल !
 मजूरा बोल !

थू वूझां री
 वूठ वाळतौ बोल !
 वळपा काळजा
 ठार ठारतौ बोल !
 थू गावा रा
 पगल्या होतौ बोल !
 थू गांवा-सैरा नै
 पगल्या देतौ बोल !
 गण सू मोटो
 गण-गण गुणतौ बोल !
 करसा बोल ! हाळी बोल !
 मजूरा बोल !

“आइयाँ कलमा सू जका
नीचाँ बजाई ठोकी
फाल रा जडिया
किवाड पड्या”

दे हूँकारो हूँणिया

दे हूँकारो हूणिया

- हामजी तू कुण है भाया
अठे क्या बैठो गोडी ढाल
अठे के काम थारो
अठे तो...अठई
- हूणियो कई लगाई अठे-अठे
अठे नी कोई थान
नी भाठो भेरुं धरपीज्यो
जाणै कुण
झाड़ पूछ्यो चौकलियो
अठई है रातवासो म्हारी
- हामजी आयो वड़ी कमतरियो
करसी रातवासो
थारै खातर नी लीप्यो-पीत्यो
है कुण तूं
थारो नाव वत्ता तो...
- हूणियो नाव रो कै बट सेसी ?
हूं तो हूणियो हूं
- हामजी ओ कै नाव होयो

एडो तो नांव
 म्हे नी सुणियो पैला
 देख्योई कोनी कठई
 नांव तो बता सही-साचो

हूणियो नूवोई आयो दीसं
 म्हने जाणै है आखी दुनिया,
 हा, जकी आंख्या रै आडा काच
 वै नी जाणै-पिछाणै
 पण हू हूणियो
 भल-भल हूणियो

हामजी सावळ बोलैनी भाया
 क्या आडी घालै
 अठै क्या गोडी ढाली
 ई चौकलियै
 नाटकिया आसी
 नाटक...डरामो...समझ्यो
 तमासो करसी
 हाऽऽऽ तो कई नाव थारी
 के जात थारी

हूणियो कान है'क वेजका
 बतायो नी हू हूणियो
 साव साची हूणियो
 अर जात म्हारी...

भजनिगा, "हिन्दुन की, हिन्दुधार्मिक देख्यो,
 तुरकन की तुरकाई
 कहै कबीर सुनो भाई साधो
 कौन राह हम जाई
 अरे इन दोउन राह न पाई

कवीरा दोनूं राह न पाई

हूणियो छांटो पड़ियो'क भळै सुणासी
आदमी तो दीसेई कोयनी
चाल्यो है, जात गोत पूछण, हांSSSS

हामजी पण भला मानस
अठै अवार मोटचार आसी
तू थारै ठोड़-ठिकारण जा
नाटक में
धारी कई काम
जात-गोत पूछी पिछाण सारु, ना बता
जात तो हुबैईज है
हमें अठै सू जा
धारै ठोड़ ठिकारण जा

हूणियो वोलो रै...वोलो रै
आयो बूझाकड़
जात-गोत...गोत...जात
वेजका खोल'र सुण—
म्हारी नी जात कोई
ना कोई गोत म्हारी
ठोड़ म्हारी...!
आ घूणी'क दूजी घूणी
पूरव-मच्छम, दिखणादे-उत्तर
चारुमेर रा सैरा-भावा में
म्हारी वासी
इकटगिया मँना नीचै
आ हाडा सू घसीजी
मुआळा मूं चिण्योड़ै
गढ़ा रै आसे-गामै

घास, बांस, टाट रा
 किलबिलता किल्ला म्हारा...
 ओरा में, गुभारा में
 विला में, सुरगा में
 मसाण-अकूड़चा माथे
 मिंदरा-मसीता
 गंगा घाट रै पगोथ्यां माथे
 जिलम्यो, जियौ क
 जिलमै, जीवै हूणियो

मजुरां रा टोळ हइसा-हइसा
 हइ-हइ हइसा हइ-हइ हइसा
 हइसा-हइसा
 दोनू हाथा भाठा कूटां
 पगां घूमरा माटी खूदां
 कुण खूदै म्हारा काधा नै
 दै गिणती रा पइसा
 हइसा-हइसा
 हइ-हइ हइसा : हइ-हइ हइसा
 करी मजूरी गटकं दाढ़ी
 चोटी जीमै ले'र सवड़का
 करा भूख सूं वाथेड़ा
 म्हे खावा रोज भचीड़ा
 हइसा-हइसा
 हइ-हइ हइसा : हइ-हइ हइसा
 म्हे आखी ऊमर रा चाकर
 तावडिये ठरियौड़ा ठाकर
 लाज्या मरचा जिनावर भाजै
 म्हारा देख कळाप

पण म्हारें वाकां मे उकळें

हइसा-हइसा

हइ-हइ हइसा : हइ-हइ हइसा

हूणियो

ताका तोला कई करे

सामें देख सामें... ..

ओ खूट...वो खूट

धूड़ीमोड़ा...पिछोकड़ा देखतीई जा.....

सड़का माथें, गळी कूचळा

चूसे आगें, चिमन्या नीचें

भट्टयां सू हधाई करता

पेट रा तंबूरा

नै ठीकरयां बजावें

‘मा’ भारत रम्मं आठू पोर

या खांप म्हारी

वो फोज-फांटो म्हारी

इकसार जारा डोळ

सगळा हूणिया

हूं बारे मायलो हूणियो

हे म्हारी नाव हूणियो

हामजी

आपरीई दळिया दळसी

की म्हारी सुणसी

अटै नाटकिया आसी अर तू

बंठो है बीचोबीच

वें पेलो करसी

तू थोड़ो सो परिया बंठ

इतोई तो कयी तनं

हूणियो

हा, भइ, कयी तो इतोई.....

नाटक होसी...मोटपार आसी...

बोलाराई तो...!

कवीर साव तुलछीदास जी भी बोलारा हा
 नजीर साव हा
 ए कैरी खाप रा बोलारा है...
 नागर, भारवा बोलैला कै मारु, डिंगल
 बजासी की कडौ तबूरो

गेरिया सूकें अकरै तावड़ै
 हाड़-मास रा बोल...फकीरा
 रगड़पां सासो-सांस
 जग हगड़ता हूणिया...भइ

आखर तो खीरा जिसा
 चुगतां लागं डाभ...फकीरा
 आला लीला बाळ
 जगरो ताप हूणिया...भइ

हूणियो म्हनै परधां बंठा'र
 डरामो करसी ॥ देखू, म्हारै परवार
 प्रगटधा कैंडा नाटकिया
 म्हनै टाळ करसी
 किण भात री तमासी

हामजी कुतरक ना कर
 तमासो तो तनै
 समझाण सारु कयो
 असल तो नाटक है 'आधो आदमी'
 गजब राज रै लिख्योड़ी
 नूवी ऊमर रा भणिया-गुणिया
 चतर घेलारा
 छलसी 'आधो आदमी'
 तू तो देख्या बिनाई करै टरं...टरं...

हूणियो हूं कहुं टरं-टरं
 थारा साथोड़ा करसी
 आधे आदमी सू खेला
 अर हू कहुं टरं-टरं.....
 कठं हुवं है आधो आदमी
 म्हे तो कदै नी देख्यो
 थं देख्यो है कई

हामजी म्हे तो की नी जाणू
 नाटकिया-लिखारा री ओ काम
 हूं तो ना लिखारी ना नाटकियो
 वरसा सू बेल्ही, एकलो
 आं म्हेन परोट्यो
 तूं म्हेन आरौ बंदोवस्तियो समझलें

हूणियो हूंऽहू भी तो अवै समझ्यो
 अणायै री मारघो
 गूगी टाड़ है तू
 लूरे सू चाल-जीवं
 भलाई हुवंला थारा साथी संगी
 घण भिनखाजूण रे पेटे में
 मोटघारां रै मूढे सू
 आधे आदमी री बात
 म्हेन तो घणी अवघी लागै.....
 लें, देय, पैला तो तूई देय—
 दीदा रा दीया बाळ
 छुल्लें चोभाटें
 साव सावत ऊभी
 भिनखाजूण री तमासो हूं हूणियो
 जात-गोत सगळ्हाई एकं सामें

नाव म्हारी हूणियो
 म्हारी जात हूणियो.....म्हारी गोत हूणियो...
 काना री ठेठो झाड़ सुण रे
 स्थाणा चत्तर तो म्हनै
 देख अणदेखौ कीनो
 आफरो चौढचोड़ा लोगा
 म्हारा घणाई लुवखा लाड करिया
 अणूतो सीखा दीवी
 नै भोजपत्तर लिखियो.....

पंडित "सर्वधर्मान् परित्यज्य
 मामेकं शरणं ब्रज
 अहं त्वा सर्वपापेभ्यो
 मोक्षयिष्यामि मा शुचः"

हूणियो मोख नी मिळियौ, मिळिया
 भुजवळ रा घणी
 म्हारी नसा उतारी
 म्हारै काळजा न छेक
 परखी तरवारां री पांण
 म्हारा वीरा.....

 धीरज रै साथै ऊमर खूटी
 वारा माथा तरणीज्या
 खाई भठोठो हाथां, उठग्या
 वणा'र भीतां काळजां री
 वां सगळा नै
 पाधरा करतोई आयो
 लस्कर राज री
 भेटर सू खूदघा हाका-हाड
 वजाया बैरीसाल नगरा

गेरिया राख राज री देग में
 पका काळ रें भट्टु...फकीरा
 करियो भणामेण
 भिनख जमारी हूणिया...भइ

हूयो गिस्टियो मानखो
 घस एड्या घस हाथ...फकीरा
 कुण कोना ए डोळ
 पूछें दाना हूणिया...भइ

जका न देखी कळपती
 चीती काया कळप...फकीरा
 आखर रच्या अपूत
 आख्या मोच्या हूणिया...भइ

हूणियो ए हाल देख्या हूणियां रा
 हेमायता रें हूक हानी
 मरग्या घणार्द भैसाण खा'र
 पत्तो लगायो जकां
 वारी वळगी आगळ्या
 पण जुग री सभना रा यंभा
 जकां हला'र देख्या
 आख्या-कलमां मू जका
 नीवा वजाई-ठोकी
 काळ रा जडिया
 किचाड पड्या
 वेड्यां पणकीज टूटी
 संचन्नण हुयग्या
 म्हारा कळाप नै कळपती जूणा

अघोरी लोई सू माडणा पड़िया चितराम
 'फांसी रा तखता'
 'आदि विदरोही'
 फूचक-फारटजी नै
 चेखीजी-गोरकी नै
 उतारणी पड़ी आख्यां सू
 हूणिया री
 होंणी री आखरमाळ
 लिखार पैमचन्द नै
 जकाई वांची
 किचरीजी जीभ वत्तीसी नीचै
 घटनावा री घट्टी में
 पिसीजतौ ई आयौ है हूणियो
 उडती फाक, किरकिर तो
 देखी व्हेला
 ओ बोई है हूणियो

हूणियो भाठा सू होती आखेटां
 हू बी टैम जिलम्यो
 वेदा मडोज्यो
 करी टीकावा रिसिया
 भात-भात राख्यो
 म्हनं पुराणा
 सकर-रामानुज आया
 तिलकजी-गाधी आया
 पाठा फोर
 फोर पाठा वाच्यो म्हनं ई
 वाचणो जाणेतो
 थे भी वाच्यो व्हेला :
 की समझ्यो व्हेला

मजूरां रो टोळ हूं के वाचू जोगिया !
 भळकीई भळकी
 देख्यो आखरां रो
 म्हारें सूं वोळा आंतरं
 पोथ्या रा डूगर जोगिया !

आखें दिन
 फावडो-करणी वांचू
 रात नें टाट ओढ्यां
 कुरळाता हाड वाचू जोगिया !

सारलें जमाने में
 अखाड़े रा लूठा कवि हा
 सरसुत वैवती मूढे सूं
 थें भी तो
 सुणी व्हेला जोगिया !

प्रघोरी अणभणियां घोड़े चढें भणियां मार्ग भीख
 थे तो मनी भणिया
 थे म्हारी सुणिया—
 मिंदरा-मसीत रा धरमराज जी
 तखत विराज्या
 रामराज जी
 मोको पड़िया आं दोनां नें
 राख आंटे में
 धनपतमलजी
 अजू तलक तो
 बळपड़ती लीकां पाड़ी है ।
 गुड़ रो वातां रया कंवता
 पण गुर्मां
 देख्योई कोनी

ऐइ खा'र
 हुया औतार-गुणीजन
 रंग-वदरगा झीणा कागज
 सांठचौडे मंजे री
 गेडो दे'र कैवता रया, उड़ाओ
 सुपनां रा किन्नाई किन्ना
 लडो-लडाओ
 पेच ढील में.....
 किसान वणिया
 खूब वणाया.....दूध सू
 बालचौड़ी हू.....
 भल-भल कैबू
 थे मती भणियां
 थे म्हारी सुणिया

हूणियो आ..... 'आही तौ ही वा कैवत
 म्हारे कानां में पड़गी
 डूजा दे दाव राखी
 रगां रमाई
 वो दिन'क आज दिन है
 देखलै.....ऊमर पलटी
 जमानो पलट्यो, सोचण-
 परोटण री बैवार पलट्यो
 नी पलटी
 लखणां री लाडी
 म्हारी समझ नी पलटी
 छवीली पाटी सू
 आंचळिये फळसं री
 फेरयां देवं आज ताई
 ..इं सू आगं

हूं ई रयी रूं वीरा
 कौरवा री वाप
 गठजोड़ो कांकर धोलती
 म्हारी सती लुगाई

मेरिया खण-खण करते तेल सू
 चल गिस्त री रेन...फकीरा
 छोडा आखर ले'र
 वण्णी डलेवर हूणिया...भई

पाणी झुर-झुर मूकग्या
 रेत-कंवल रा नंण...फकीरा
 देख्या सूना डेर
 उग्या कोकरू हूणिया... भई

लीला भडसी काळजै
 खुभसी बूठा वंण...फकीरा
 राख्या एक उडीक
 जी ती जाग्यै हूणिया...भइ

घटाऊ ए बाण्यांवाद्या भी जवर है
 लायै कठै मू चुग-चुग
 बैठै हाडो-हाड
 दिनूगे आ'र ऊभौ
 देवलै सूई सिध्या पड़गी
 रासन कसौ क हाथ लाग जावै
 ओ पीसणो तो रोज रो
 तनै ई धूणी माधं
 बड़-बड़ते देख्यो, बकारघो
 तू तो फगग-फगग बोलारो

बैराग्या जेड़ी
 वाण्या बोलै
 ग्यानि री मैमा अकूती
 लावा-लावा धोक...
 ओ कुण है.....ओ...
 मोगा मंडी सौ
 तूई भगत बणाण लाग्यौ कई

हूणियो वाको बाल थारी
 ओ तो नाटकिया रौ बेली
 पूछं है
 म्हारी जान-गोत-नांव
 म्हनै परचा बंठा'र
 तमासो करमी चोभाटे
 मिनख देखसी
 देख वजासी तारुया...हूSSS

हामजी एक घात तो बता हूणिया
 तू योल्यी होनी
 हूणिये बिना नी होया
 ना होवे कैरा ई तमासा
 म्हे रमता तो बांछी देखी
 घूमर नोटक्या देखी
 बोलते पडदे माथै
 नित नूवो सनीमा देखू
 पण म्हनै तां
 कठई नी दोस्यी
 तू बनायै जिको हूणिया

हूणियो तो तू कुण है पछं
 लाट साव—

री जायोही'क
 रंयगी कच्ची रिगस
 धारी अकल
 कतरी वार कयो तनें
 आखी दुनिया में
 सगळी नू वेसी हूणिया

हामजी पण म्हं नी जाणू घांनं
 वे म्हनें नी जाणं
 काकर हुइजं अरु-भरु

हूणियो नू नी जाणं हूणिया नं
 हूणिया तनें नी जाणं
 आ तो सैणारी सैणाई'क
 हूणिया रं
 काच नी लागे कदै हाथ
 नी देवलं कदै
 पुदराई डोळ
 रचताई जायं कीतक
 चतर मुजाण
 कदै नीं हांण देणी सजोग
 सगळी हूणियां री
 आभां हूणियां नं
 ज्या-ज्यां नचावं
 राज पइसी
 उघाडा राग्र सीतां उपाईं
 की तो लियां फिरं
 अतस री दोठ आळा,
 कमतरिया आग्रो रा
 उठायो जियां

चिल्ली रौ पाब्लो
 तुरकी रौ हिकमत
 पेरिस रं सेजान रगिया
 दोरप रा सगळा रग
 आपां माथै

अधोरी सुण-सुण देखता
 तपिया उकळियां
 उफाणी खा'र साटग्या गलीचा
 उतारग्या भोडळ
 राज रं चेरो सू
 तत्ता हुयोडा हूणिया
 काधै उठायो फिरिया
 पेमचंद-मज्जाज-फंज
 वां सू उतरियो भारो
 हाथां-हथाली ले'र चालै
 नूवा लिखारा...ई खातर ई भटका मारा
 मुवादेवी री मुवई
 काली माई री हवड़ा रेल सू पूगां
 ढीले खीला आळी दिल्ली
 पछवा चालता-चालता
 'आ रम्मा वीकाणै'

नाटकिया-1 कितनी बार सुना-वाचा है
 थोड़ा तो भारी है
 नगा नायक...पर
 और पात्र तो दब जाते हैं

नाटकिया-2 कुछ संवाद अधिक कड़वे हैं
 नियर नहीं पाएगा अभिनय

भने हमारे कलाकार
पूरा दम मारे

नाटकिया-1 नाम भी तो रखा हूणिया
हूणिया 'अगली' लगता है
निरा अटपटा
नहीं जमेगा
पब्लिक के होठों पर

नाटकिया-2 'कन्वे' भी होना है मुश्किल
उलझ गई है 'थीम'
खेल दिया तो.....
अखबारों में रगड़ाई होगी

नाटकिया-1 दूसरा 'शो'... 'शो'... फिर
घाटा तो सहने पर
'पबलीसीटी' भी तो
बहुत बड़ा माने रखती है

नाटकिया-2 तब इसे छोड़ दे
लिखवा लाए नया थ्री गजब से
चले अभी ही.....

हूणिया ऐइ हा कई
धारा नाटकिया बेली
निरा मुलकिया लाग्या
ले चटखारा
वाल्या रा कारीगर उठग्या
पल्ला झाड़'क
कसतो लागे
की आचो ताणो हूणियो

हामजी हा भइ, हा तो ऐई
पण आ तो ऊभा-ऊभा वाता करी

गयाई परचा
नाटक तो कियोई कौनी

हूणियो थारा ए वेली तो
ग्यारसिया-वारसिया लाग्या
ए के करसी
आज तो हूई सुणासू तने
वाजर रं खीच
खोखा भुजिया
पापड़ जेड़ोई ख्यात
धोरां निवायो
हरखूजी बखानियो हूणियो
ठंर, तू अठे हो वंठ
हू ओ गयो र
ओ आयो
अठेई रये भला...जाए न... हाऽऽऽ

हरखू जी ! ओ हरखूजी...!
सूई सिझ्याई
नीदधा सुड़काव दीस
हरखू जी ! ओ हरखूजी...! ओ...

लिखारोगी कुण है...कुण है भाई...

हूणियो ओ तो हूँ हूणियो हूँ, आडो पोतो...आडो...

लिखारोगी हूणियो ! कुण हूणियो...!
कठे सू आयो है भाई
निरो ग्याळो लाग्यो
इसो कर्द काम पड़्यो...

हूणियो वस...थेई नो पिछाण्यो म्हने

नौद में हा कई...
 हूं हूणियो हूं...वोई...वोई ओ
 जिकं नं कईई
 होरी कैवी
 गोवर...गोवर...हेला पाड़ो
 पतो नी कतरा-कतरा
 नाव राखी म्हारा
 थे, धांरी खाप रा लिखारा
 पण रैवूं हूं तो हूणियोई

लिखारोजी अरे तू है के
 आ भई आ...बंठ
 वोळा दिनां सू आयी
 एड़ो कई काम पडग्यो

हूणियो बिना सुवारथ
 कुण कैने पूछं हरपूजी
 धे बचाण्यो हो नी
 एकर हूणियो.....
 बूझा री बंडी
 सिणियो रै मूते री
 घोतियो पेरघा
 काटां री पाळ ऊभी
 माडघीड़ी बूरु
 पीवनी जांतो काळ
 वोई हूणियो
 दे दो म्हने धे आज
 नैर रं चोरुलिये
 सोग सग्या मोटघारा
 नाटक नी चोती है

म्हारी है रातबासो वठे
 वे म्हने परचा वेठासी
 नी वणूला, दूध में पड़ियौड़ी माखी
 छोडू नी चौकलियो
 हुँई हुजासू नाटक
 वांच सू, सुणा सू, देखू
 किसो पत्ताळ लासी फोड़
 म्हारे परवार कोई नाटक
 वस... म्हने तो
 छाणा चुगती एड्या घसती
 थारें लिख्यौड़ी हूणियो.....—

लिखारोजी थारी है...ले लै तूई
 थैई लिखायो, वाचै,
 सुणाए, ओ लं...पण...
 अबकं तो पाछो वेगो आए
 सुणतां-सुणतां
 कती ठडी-ताती आँखियां सू
 देखं तने लोग
 वाने देखतां तने
 कतरा वठीठा आवै
 क हियो हवोळा खावै
 मठोठी अमूजै हायां.....
 बीती बतार्ण आज्यै
 आए भला...भूल ना जाए

हूणियो हरखूजी रो हूणियो
 ओ हरखूजी रो हूणियो
 भणै हूणियो सुणै हूणियो
 हरखूजी रो हूणियो

मुण रे हूणिया.....

म्हारो नांव हूणियो

हूं जुगाँ-जुगाँ सू हूणियो

रयो सइकाँ

पण नईं जनम सू हूणियो

कदं कवीले रै सिरदारां

राजा पंचा और ठाकरां

सेठां गरूआ अर वंपारघां

हाकम मोर मुसद्दी

कदं सुपाई' थाणेदारां

सगळां हाथ रळा'र

वणायो भूणियो

मरजी आई जियाँ फिरायी

जीत्यो घूम्यो

मर-भर घूम्यो हूणियो

हूं हूणियो.....

आं दे'र मिनख रो नांव

वणाया राखमो हूणियो

भरताई आया टीपाटीप'क

ऊधीजण नै हवेत्याँ गढ़ आगे

हूं म्हारै आंगणिये

पड़-चड़ खाली हूणियो

हूं हूणियो.....

बात वीतगी राजावाँ री

वाँने तोवाँने तो.....

मेरिया

पैला राणी जामती

अव जामै संदूक...फकीरा

राजा वेई राज

गाभा वदळ्या हूणिया...भइ

बिना निसरणी रा वण्णा
 लोकराज रा मैल...फकीरा
 देखै चकरीबंद
 तीस वरस सूं हूणिया...भइ
 पाँच वरसे जेवड़ा
 लटकं वजै चुणाव...फकीरा
 लोकराज रै मैल
 लूठा पूगै हूणिया... भइ

यधोरी सुणलै हूणिया, सई वाण्या भी
 कळपीजती वोले...हां तो हूं
 कठं वाचतौ हो...
 बात वीतगो राजावां री
 बाने तो रातीदो आवै
 पण आज आपणा राजा
 नेता वजै चुणीज्या
 मण-मण वोटा रा
 ताज धरचीड़ा मतरी
 आरै लारै
 राज करणिया सतरौ
 डूवता सू नेग मांगै
 हवाजाज सू देखै
 पाणी मे धरती डूवगी
 जनता रै दुख सू मोटो दुप
 कुण जाणै
 कुण सोखो-दोषो
 लारै मू ई तखत छीचलै
 कूण भरोसो करै
 वोट री आर्घी

दिखणादे जाती पूरवले पलटें
 सत खुरसी री
 साथ जिता दिन
 परवारा री पूठ वांघता
 लोक लाज रें
 राजावा रा डोळ देखती हूणियो
 ओ हूणियो.....हूं हूणियो...
 राज वळ, चोट वळ
 सवसूं मोटो नोट वळ
 विणज जावतो वाप देयग्यो
 दखल राज में
 कैयी हाथ पोतो कर
 राजा लारें सेठ चालें
 सेठ लारें राजा
 छुलता जावें इंयां-दिवा
 कमग्या रा दरवाजा
 इंदर दूझें...भूत कमावें...
 दूझें इंदर...भूत...

गेरिया कळ पुरजा हाका करें
 गोघ्रै वयां हिंसाव...फकीरा
 फडकें जद-जद होठ
 जडें किंवाडा हूणिया...भइ
 हाका करतां रा फटें
 पेट काळजा रोज...फकीरा
 घन्दूकां कानून
 तीया देवं हूणिया...भइ

हूणियो सत फरमाइ वाप जी मराज
 मथेर वन्नामि...

धेइ देख्या...म्हेइ देखू...आंरा तो
 लाखा माथें लेख चालें
 ठेका चालें व्याज चालें
 भील्यां चालें मोटर चालें
 मतरी सू हेत चालें
 हाकम रं लगायौडौ गेर चालें
 सार्य दवा डागधर चालें
 सरकार सरकता की देर लागें
 चित्याई चित्या खावें
 वया फोरीजण
 छापा रं सुपनां सीजें
 हड़तालं में
 रोज री कमाई छीजें
 पेट री तात्या छोल
 धेरे मजूर तो
 ठिकाणा बदळें
 साथे कूकरिया भाजें
 भूखां री मजूरी सू
 हाडां सू पसीणे सू
 कुबधी री ठगाई सू
 चाणीके री चतराई सू
 सिचीजती सेठाई री हेठाई सू
 काढा-कोझा-चितकवरा
 नकसा देखें हूणियो
 हूं हूणियो...

भयोरी राजा रया न राणी
 भरणोई पड़ियो पाणी
 ठरग्या ठाकर ठकराई

दोरी मार वखत रो
 बाजार बिकलो
 भल्ले कदं सेठई
 खुरसी सू उत्तरचा मंतरो
 पापड़िया पोवं
 क्या घोय निचोवं
 म्हारं सो नागो हूणियो
 ओ हूणियो...हं हूणियो...

गेरिया गोठ योजना रो करं
 सोनो हूणो राध...फकीरा
 चाखण में सो जीम
 झोळ पुरसदं हूणिया...भइ

घटिया बालू प्याज सू
 जगी जेट जहाज...फकीरा
 देगं आदियां फाड़
 हवा खावता हूणिया...भइ

भापणबाली मील में
 रोज बुणीजे थान...फकीरा
 मसां आदमी दीठ
 ग्रफण संगोटी हूणिया...भइ

हूणियो भिनखां रं पेटे में
 सिरं लिखोजं
 आखं कीड़ी नगरं रो धोक वापजो...
 जूण नई भारो बोवां ही
 माऊ नई भारी मारी...
 धन-धन तो वा जामण'क

सठवाँ सूठ खाई
 जेरा जामौडा पूतां
 मरणे सू पैलं तक
 छाँटी हकमाई
 हाकम री जमारो अक्खी
 छोटे सू मोटो
 मोटे सू ऊंचो हाकम
 एकै-दूज री पक्खा-पक्खी
 मानखे रै कुनवे सू आज ताई
 चाली, चाले रे भाया
 हाकम हि कमत री हकमाई
 चालेली दडाछट
 आगोतर ताई...आगोतर...

गेरिया

हाकम री हावै कलम
 दिन रतीदो होय...फकीरा
 लुल्ल-लुल्ल करै सलाम
 रात तावड़ो हूणिया...भइ

हाकम री आँरयाँ अजव
 वाँचें घोर अधार...फकीरा
 तावड़ियै सो साँच
 लगे फारसी हूणिया...भइ

हूणिया

वोनै साच वाँई न्याल वाणजी !
 म्हारी तो काळी कामर
 चढै नो दूजो रंग
 पण पीछे माथे लाल
 गुलाबी नीचें काळो चढ़ाता
 निराई दोमै
 लोगी री ग्यातर वणिमे राज मे

नेतावाँ रा कानूनाँ रा
 दसूई रग दीसँ
 किरड़ो वदळें सात रग
 लाखाँ-लाखाँ मे लूठें
 हाकम रा हजार रग
 खूजा में भरिया राखें होकडा
 धन विसणू जी धन धिरमा जो
 यम-यम मा' देव
 राज रो डडो
 तीनाँ री मैमा अपरपार
 एक में तीन तीनूई एक
 हाकम एकलौ एकोहम...

पंडित ॐ पूर्णमदः पूर्णमिद,
 पूर्णात्पूर्णमुदच्यते,
 पूर्णस्य पूर्णमादाय-
 पूर्णमेवावशिष्यते...

सगला सागँ ओम हाकम देवा प्रभु ओम हाकम देवा
 तू भैरु किरपाल'क छण टूठें-हठें
 प्रभू छण टूठें-हठें
 हाजरिया न पळ में पड़पोता देवा ओम...

जका न समझे सेन्या नेग नई देवें
 धारो नेग नई देवें
 सड़काँ माथे वीरा तू लत्ता नेवा ..ओम

जका न मानै केणो सीध नई चालें
 धारो सीध नई चालें
 भत्ताँ-भत्ताँ'रा बट पातों धे काडो कंवा... ओम

खलक-फलक में वाजै थरोई डंको
प्रभू थारोई डको
रासन रा सुरगाँ रा थे परमट देवा...ओम

नासवान जग जूण जमारो अजर अमर तूई
प्रभू अजर अमर तूई
मारणियो तारणियो तूई सुध लेवा...ओम...

लिखी हरखियै भणी हूणियै
आ हाकम मैमा लोगाँ, आ हाकम मैमा
वाने मिळिया मिळसी फोड़ाँ रा मेवा...ओम...

ओम हाकम देवा, जै हाकम देवा



हरीश भादानी

जन्म—11 जून 1933

हिन्दी भर राजस्थानी रा ज़ाप्पा-माप्पा कवि । भाज
साईं छोटी-मोटी पन्नी रे लगभग पोप्पा प्रकाशित ।

1961 मू सेप्टर 73 ताई हिन्दी साहित्य रे मासिक
'बातावन' रे संपादन ।

ठिकाना : छवीसो पाटी

बीकानेर-334001